

Broj: 03-02-1220/2020
Sarajevo, 12.11.2021. godine

PARLAMENT FEDERACIJE
BOSNE I HERCEGOVINE

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilježeno: 12-11-2021			
Org. jed.	B.F.O.J.	Priloga	Vrijednost
02-	02-	2016	21

- Dom naroda -
gosp. Tomislav Martinović, predsjedavajući ✓

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Prijedlogu zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata - skraćeni postupak, koji je podnio Stipan Šarac, delegat u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 290. sjednici, održanoj 11.11.2021. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



PREMIJER
Fadil Novalić

Prilog: kao u tekstu na bosanskom jeziku

**Cc: Federalno ministarstvo prostornog uređenja
gosp. Josip Martić, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata - skraćeni postupak, koji je podnio Stipan Šarac, delegat u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 290. sjednici održanoj 11.11.2021. godine, utvrdila sljedeće

MIŠLJENJE

Vlada Federacije Bosne i Hercegovine smatra da nije prihvatljiv Prijedlog zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata, koji je u parlamentarnu proceduru uputio predlagač Stipan Šarac, delegat u Domu naroda Parlamenta Federacije Bosne i Hercegovine.

Razmotrivši podneseni Prijedlog zakona Vlada Federacije cijeni da postojeća zakonska rješenja koja definiraju izdvajanja i usmjeravanja dijela prihoda preduzeća ostvarenog korištenjem hidroakumulacionih objekata su adekvatna.

Cijenimo također da bi ovako prihvaćena dopuna Zakona predstavljala stalno novčano davanje koje nije vezano za bilo koju količinu proizvedene energije i sticanja prihoda od iste, što je u suprotnosti sa samom prirodom i intencijom ovog zakona.

Ukazujemo da se u parlamentarnoj proceduri već nalazi Prijedlog zakona o izmjeni i dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata, koji su predložili Petar Galić i Ante Baković, poslanici u Predstavničkom domu Parlamenta Federacije Bosne i Hercegovine, a koji reguliše istu materiju.

Pored navedenog, ističemo da je u posljednje vrijeme od strane poslanika odnosno delagata u Parlamentu Federacije Bosne i Hercegovine pokrenuto više inicijativa za izmjene i dopune ovog zakona različitih intencija to cijeno da bi se trebalo pristupiti donošenju novog zakona koji bi objedinio sve predložene inicijative te na jedinstven i sistematičan način uredio ovu oblast.

Vlada Federacije smatra da donošenje ovog zakona po skraćenoj proceduri nije prihvatljivo imajući u vidu činjenicu da je ovim zakonom obuhvaćena materija koja se odnosi na strane sa dijametralno suprotnim pravnim interesima odnosno korisnici prava na naknadu (jednice lokalne samouprave) s jedne strane i obveznici plaćanja naknade (javna elektroprivredna preduzeća) s druge strane te bi o istom bilo neophodno izvršiti šire konsultacije svih zainteresovanih strana.

Podsjećamo da je Vlada Federacije Bosne i Hercegovine, na 271. sjednici održanoj 24.06.2021. godine, utvrdila Mišljenje o Prijedlogu zakona o izmjenama i dopunama Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata – skraćeni postupak, kojeg su u parlamentarnu proceduru uputile Majra Dautbegović, poslanik u Predstavničkom domu i Alisa Hajdarović, delegat u Domu naroda Parlamenta Federacije Bosne i Hercegovine, V. broj: 1042/2021 od 24.06.2021. godine, u kojem je predloženo da Federalno ministarstvo energije, rudarstva i industrije bude nosilac izrade novog zakona na način da Vlada Federacije BiH formira interresornu radnu grupu sastavljenu od predstavnika Federalnog ministarstva energije, rudarstva i industrije, Federalnog ministarstva prostornog uređenja, Federalnog ministarstva poljoprivrede, vodoprivrede i šumarstva i predloži Vladi odnosno Parlamentu novo zakonsko rješenje koje bi sadržavalo sve predložene inicijative i prijedloge za izmjenama i dopunama važećeg zakona, a sve u cilju uređenja ove oblasti na sveobuhvatan i sistematičan način.

V. broj: 1668 /2021
11.11.2021. godine
Sarajevo

